

復  
莊  
詩  
問

復莊詩問卷十八

大梅山館集

鎮海姚 變某伯市

秋日閒居雜詩三章

北斗下城海四更殘月高空天蝙蝠舞荒籬絡緯號練  
砧霜色出銀漢露光韜延涼坐握髮差與滌煩囂

流電接虹影薄雨灑晚涼新姿轉檐卉幽鳥語鄰篁羣  
書怡餽飮空氣迓芬芳閒理水雲曲參差笛在牀  
秋深露如雨瓦楞微有聲斜門旋落葉濕草颭殘螢統  
扇感拋棄羅袂警淒清靜夕眎天漠白雲自英英

憩湖山春社遇雨

復莊詩問

卷十八

大梅山館集

樹密午生翳嘒嘒鳴一蜩萬山方戰雲此院獨無暑深  
樓簷匝幃壁影皆涼潮矮嬾倚窻石蒙薜如垂簪去春  
來尋梅泥酌聽晚簫畫城初月痕嬾之新柳條今年秋  
已中舊柳瘦將凋柳底殘蘂紅避風亦愁飄空鐘催雨  
來漸過蘇堤橋烟氣未到門在耳先蕭蕭致我夢思沈  
俯見池萍漂天痕抹萍心翠重低不湔膩徑頗思屐急  
迅聞迴颺湖日浮碎金一展輕黃綃三兩菱灣船揜袖  
重移橈乍聞鷗尾歌喚出田田嬌

壑菴

徑尾柴門背夕曛密窻經磬靜中聞晚荷隔樹明孤白

早桂沿山動暗薰秋色自宜清淨佛湖光能作合離雲  
入塵慚有六根縛願此飯依謝俗氛

漪園

緊綠捎檐瓦先疑暮色渾暗藤搜雨息涼菱妥鷗魂一  
徑獨無葉千巒都向門喜吾衣上碧裊作睡花痕

朱舍人

俊

招同人飲湖上長豐山莊二章

素壁無塵帽影斜畧分明篠互青霞不遯人市繁車騎  
卽抵空山古歲華簾角水紋搖荇葉樽心夕色轉薇花  
醉來扶柳庭心立吹過城頭一字鴉

蒼茫遠氣暗難收急散華燈續晚遊風雨經年人話別

復莊詩問

卷十八

二

大梅山館集

湖天一白月當樓接屏露色青山暈颭笛烟聲藕葉秋  
如此高筵涼夜闊庾郎獨有鬢絲愁

石屋洞

積磴風籟堆澀壁水蘚痕道士已仙去但守青鶴魂雕  
光不能闕鑿却先乾坤削作匏壺圓穹蓋如覆盆古薦  
鐵色瘦半繫虞淵根蝠翼炯照面於此衍初孫不擢地  
脈秀誰識天象尊願收玉延譙挹斗當瑤樽

水樂洞

俗耳無鈞天繁響怨荒雨誰邀蘭浦槎夢尋月中杵髮  
翠彫石莎莖青碾花乳吸納靈間霞結爲玉冰貯秋氣

得至淳初籟洩成縷觸我璫璫心已通上界語和薰嫺  
帝琴節之大呂處豈有官私疑而同競蛙部元聲奪梵  
鐘佛想闍然泪一紅崖背花娟裳欲升舉郡王無畱園  
相業亦黃土坐感萋磴烟冥冥濕終古應有瑤魄寒靜  
夜擷松塵來聽吾歌清和以猿嘯苦

滿覺壟看桂花

攄秋得真液慚我衣垢多斜日黃雪痕堆滿青髻螺騷  
心愜天妙所愛甯有阿烟外樵斧聲來嬌西風歌交枝  
濯嵐秀逼影涼澗波太古一胸聚土脈千年和月魂暗  
畱駐未忍扳其柯掃葉攜茗鑪此約當如何

遊理安寺憩松顛閣三章同屬

志葉元楷作

周昉但有綠濕重持亦難蒼然諸君衣疑非白袷單天  
根挂珠瀑沁氣多椒蘭通窻落地疊奔作銀河湍瘦僧  
苦行腳頃自人間還似驚俗跡多蹴使雲華殘佛夢晝  
方定悄立門遲彈聊扶仄景枝口吸松烟餐

馴虎有道心至今化爲石樵童思天遊往往跨其脊虛  
霆走空竅洪荒未疑夕誰將甕底雲漏作萬山碧生無  
丹籍名肉眼敝塵隙徒裁羊毛氈坐俟鬚髯白陽林無  
暑寒元理要堪掄倘於投足窮一遇壽光客

懸青出天構傑閣如鳥巢目攝千里鴻逝日同滔滔萬

事得根柢不在歷境高亂木空山喧尙難平波濤谷神  
棲寸田入極盡能包何羨巨靈手持此地軸牢耳目通  
塵寰雖僻禪難逃但宜明月時置我孤琴操

虎跑泉

獅王養真乳冥有天神監倒影仙姥岑瘦骨青巉巖石  
廊分茶寮障日多古杉落眼深碧中皎如明月嵌至澄  
不受砂其氣堪滌凡豈同世味濁往往分酸醎仰邀南  
岳靈香界開華嚴驚寒夜逃狄罷汲朝飲麤我來略試  
脣冽疑冰雪攪安得越手纖用濯吳紵衫

登六和塔



金輪高借佛雲扶七級闌干紫翠塗日月盪摩羣象活  
江山供養一鷗孤胎仙夢蛻探秦望骨母靈魂弔伍胥  
盛世蒼生無水厄東南藉此作提持

江舟觀月

水作銀河一折長暗風漂去白蘋香年華幾輩聽歌老  
天地今宵對酒涼楚雁出關愁見海越山在眼易思鄉  
襟懷我遜鄰船客側帽絃邊試輟腸

雲棲

雲棲自古只棲雲略向簷梢見夕暝隨地露光搜定色  
過天烟梵寫清聞停沽客繫尋秋馬擲飯僧馴挂壁颺

亂葉一蹊剛罷掃墮來風穉又紛紛

贈張丈 廷濟

魯殿巋然在眼中辦香天鎮

項氏閨名

屬吾翁編年金石春

秋例大布衣冠魏晉風寄食人間鬚早白論時酒後氣  
猶虹神騏尙惜無真賞劣馬應教感路窮

小蓬萊

紫瓊暗語湘絃底四轡明檀織龍綺散花天女自在身  
不夢行雲夢流水芙蓉彫落魚烟冥翡翠夜巢佛髻青  
瑤臺佩靜月魂妥黃冠倚笛秋山屏

瑞雲菴

展苦遊山傍名藍憩午晴  
鮮光緣蝶翅茶氣噤蟬聲  
斗閣雲睂眉癯禪水衲清  
松寮孤榻暗畱夢過鐘鳴

長豐山莊壁上畫梅作歌示朱舍人

麻姑手爪如玉筍冒露松陰摘朝菌  
袖痕膩上春烟香冰色人間正寒窘  
石鑪畱得丹餘灰一噓能使元氣迴  
蓬萊素壁三百丈老鶴顧之生疑猜  
月背瓊無聲細酌梅花好消息  
宴母西池舊相識停鸞月背瓊無聲  
細酌梅花好消息消息不與東皇知  
東皇愁早花愁遲娟蘭擁髻抱明鏡  
銀灣方弄明荷姿如何十萬金蟬鉤  
絳影沍滌隔輕茜可托巢居逋叟魂  
莫認吳山斷雲片

同鴈

志羅

以智蘇惇元

葉元楷

遊七寶山登大觀

臺作三章

陰苔闕厓磴古級天所成潏然散雲葉襲我衣裾馨仰  
首見崇柯桂樹吐繁英落日遠相射虛潭浮瑩瑩餘輝  
散高壁佛閣敞四楞天風動蘿帶吐納鐘梵聲遊籟忽  
歸寂壑氣早就冥已無紫陽客誰叩元關扃

搜烟入虛壑靈草多菌芝日霜未相蝕經秋含綠蕤天  
光細如綫宛轉巖隙垂翔禽影忽掠人語虛無吹通明  
達真地意坦行忘危崖蘚觸巾帽碎影還撲衣徑轉得  
平塘四望空所依峯巒盡低俯不顧流雲馳窺林見城

郭或疑人民非安得駕麋鹿喬仝共遨嬉

躡足更無上萬象歸一臺大風起何湫蕩我胸襟開江  
湖態時變雲鳥赴其機木葉在空闊落久猶紛飛明日  
對尊酒歌笑吾知誰茫茫古人跡視此猶塵埃馳歡戀  
白日來者亦可哀蒼烟未平合條已沈短暉眷言二三  
子去去將奚爲

同阮二十二茂才

福漸

遊北山

身不到奇奇不盡目攝奇雲那能忍亂山蔽木萬僧巢  
紆徑搜篁獨樵引靈扉閉岵疑境窮暗碧忽剡千丈空  
風雷靜翕玉池底樓臺倒插冰井中涼翠浮烟蓮葉舉

濕袂飄香不成雨柳冥欲寫蜩蟬愁花定微聞鶯鶯語  
蘿衣玉貌三清仙安爐脫屣將百年燒松夜煮瑪瑙屑  
洗銚晨酌玻璃泉於人久作武陵隔徑苔漸深門漸窄  
龍泓有韻差可琴鳳穉無塵頗宜韞鏡虹秋晶開峭寒  
但有蒼碧皆沍瀾遙天十二屏風影畫出娟娟十八鬟  
巖根夢斷古桃花天綺中霄落絳霞左右神仙金闕侶  
璫瓏樓閣玉真家漫披濁霧憐塵世且叩空鐘問釋迦  
叢桂晚陰風不掃經壇秋冷月睂斜

拂塵菴

登超然臺還過雲居寺同曹

德馨  
蘇惇元

松化千年石苔如壞衲衣粥魚催月上花鴿出檐飛嵐  
重雲都濕門幽客自稀青猿斜挂葉窺影礪南磯

清平山

秋想崢嶸寄遠琴暮空涼翠遍疏襟落波天影吹山氣  
過峽湖風墮竹禽鐵冶先生古狂者金塗佛相舊祇林  
蹴霞有我荒寒客拍掌樵童笑晚吟

同厲山人出鳳山門憩栖霞小築復自鳳麓菴後  
山遊萬善寺靜修菴諸勝

山靈不避人跡到謂來遊者皆宿緣苔光無膩知麋徑  
雲氣能祥卽佛天淨域林泉通一族元燈幽閤洩千年

鳳城鍵早歸不得共借檀寮僧榻眠

自萬松嶺至石屋嶺三章

旭日浮層城萬綠一時曉湖流滉金波返景在林杪遠  
雲重難歛露氣濕相裊涼姿散荒葦晴容媚幽篠引目  
極紆變觸意頗清好天風忽平盪虛空碎啼鳥

荒率不可竟亦有人家居穿林何琅琅稚子晨讀書徑  
木苦縈碍涼蔭翻曠舒時有亂峯影錯出清澗虛羣芳  
互糾雜衆秀工蓄儲使我天游心對景難盡攄

投身昧高峻下俯蒼無垠微茫見湖水澹作秋雲痕林  
烟雜山靄瞬息浮沍渾白鳥影沈處乍有疎鐘聞寺僧



不出山坐與元氣存安知塵市中萬化遷朝昏

烟霞洞二章

天斧搜厓出祕魔靈驅前部六丁呵旃檀烟紫真香裊  
菡萏心青古魄羅地上飛尸雲苗角潭陰愁雨日迴戈  
文殊不說無生法消蝕元精近已多

颯颯枯枝響玉牕瘦峯如筍卓青骸縋藤海眼探龍藏  
佩鉞松心斷虎巢明水半盂真宰鑑渾儀一握泰西包  
僧眉如雪長過耳老與空鐘守爛匏

由風篁嶺入龍井

南山如睡龍西山如蹲獸脈結不能解特發此嶺秀綫

磴千折紆不作直勢驟礧礧響無地尋日光有時透影澹  
鸞魄停氣緊麝烟湊秋僧憐壞衲春鬟弄妖袖斜梯太  
素天側出萬青竇渾渾忘東西疊疊轉巖岫再進雲再  
鈴益上松益瘦颯有羣籟趨密無滴水漏肅肅霜鋒寒  
猿語不敢逗擘畫仙洞奇拒絕世途陋踰險忘寺深到  
門與僧遊玉林迴景開金階布空構粥磬疎已闌茶笙  
靜方奏智井蜷病蛟孤花媚靈鷲良覲沙與搏真理壁  
難叩獨想通竅元衆妙滙清膠蘿衣披可仙石漿飲宜  
壽客或綺里逢事待向平就醉拂凌虛霞懼濁出山溜

吳山金龍閣觀禮斗

樓臺至肅秋至高明蜺素綵纏白旄星壇列宿二十八  
紫微上相森笏袍滿月隱壁天容頤內妃太乙元精岌  
花旛開闔七燈轉平地涌出龜蓮巢真人絳冠三洞曹  
躡虛鸞步梯招搖掌心霹靂動天地飛符迅速追長飈  
雷門十二神將驍兇鏊犀甲驂獬犂鳳文襴帶龍機綃  
顏鬢玉女如青要陽靈陰怪走堂桷羲娥自擁中宮杓  
心香一瓣通八霄密咒上訴皇無聲鈞天檀熾和祝簫  
哀音逼近湘臣騷解頤綿顧停瓊輶似來賜爾長生瓢  
致爾髮綠華顏嬌百齡千歲齊偓僬儒未解此中味  
倚閣且看江渺渺蔽空葉落烟飄蕭

秋日同楊大

韞華

萬六

後丞

泛舟虎邱山塘

絮才瑟絃小馮舞颯落關干暮楊雨市紅秋老花傭悲  
渚綠漪深釣孃語蘧牀老龜蚱蜢舟遠山送人官渡頭  
蓉葉蔥隴水灣路珠箔高下城陰樓鷗尾初颺弄瑤碧  
不愁雲涼但愁夕頗憐繡鳳越衫青誰夢啼鳥吳月白  
昔年冶社聯袂觴嫩鶯催酒春鬟香暗燭湘蘼遮畫鈿  
明天金翠驕斜陽今朝寂寞兩三客賸有詩心含脈脈  
東雅誰懷太僕園西閣重尋諫臣宅啼烟泣露吾不知  
滌愁且借清深后翦湖風影迴鴻翻壓舵霜華媚菊枝  
浮香閣雨夜聽歌示萬六

選色襟懷已逝波桃花夢短奈春何倚屏錦瑟如蘭瘦  
拍竹涼烟上鬢多昔社深樽淹歲月此時飄雁滿關河  
騷心苦到無香拾聊遣蛾眉壽太阿

塘上行

乘潮待發江上機未夕且聽樽前歌涼颼飄衣氣如露  
簾光照荇烟生波美人窈眇含微酡匿意若澹情自多  
嬌喉倚笛語花燕團扇迴風出水荷座人欲別愁無那  
仰看片雲下西北飛鳥天際同婆娑遙山平對酒杯緣  
欲滴不滴雙髻螺下有宛轉好闌檻斷無人倚生苔莎  
皓月當年照睂黛西風去日吹庭柯青春朱顏兩徂謝

此時不醉當如何

雨中泊吳江過沈榮湖上草堂飲

虛堂如太古檐溜爲鳴琴涼雲葉葉拭經几美人玉貌  
烟蘿心我從胥口艤舟訪東畫函詩迭相賞妙從難捨  
指百迴淡到無言情一往具區萬葦展平碧風色遠來  
極疏爽倘吹薄靄生微晴天際包山入孤掌主人愛客  
襟且豪手挈菊甕傾宿醪烹菱煮芋厭煩絮爛杵薑桂  
蒸巨螯東南千里合杯杓相與一醉情陶陶冷然別院  
響清磬憺花瑟瑟空中搖出門平望晚烟闌亂鴉落木  
紛林皋入生事業各有在努力年華葆精采今朝歡盡

且爲別轉眼湖天雪皚皚吾偃青笠君紅簑去訪梅花  
向鄧尉

偕同人登鷺湖平波臺和壁間韻

四岸平漪繞畫臺沙鷗帆影拍空來烟中木葉經秋盡  
雨後天容向夕開茗水釣徒空隱迹松陵遺社半清才  
溪山如此逢良友那不情深泥酒杯

泊舟平望同趙

鈞唐

壽考

翁維

談酌竟日留贈

咫尺忍相左何日爲見期況在夙望孚寸心久緣依平  
江多耄彥巾舄耀令輝市隱謝聞達高風追古希茲來  
證衿抱轍是軌豈非脫然如平生不作寒暄辭奇文滿

鐵壁五色紛珠璣轟闐九江戰列陣當鼓旗輒思摩其  
壘自顧憐弱觔幸諳控縱法下駑差能騎陳疑恣排駁  
塵霽千秋揮心印各了了兩曜懸娥羲更與沿湖滑白  
雲吹晴漪萍根汎汎合蘆葉脩脩齊鷗鳥出烟渚相向  
偕鳴飛聯袂平波臺載拜元真祠韜才飲清霄卓犖鸞  
鳳姿諸君瓣香守頗亦愜鄙私惜哉異鄉縣風雨多乖  
離安能選鄰港爲我畱釣磯還歸湖上堂列坐分酒卮  
登梓菱芡熟脫殼稻蠟肥沈沈不知夕檐月漸來窺出  
門醉攜手天色霜霏霏三吳我舊遊隨在畱雪泥恍恍  
若夢幻每每增慘悽矧仰衆妙門祕象羅離奇幸資助



神采奚獨慰調飢壇坫繫才運造化多斬之元靈竟偏  
緯三鳳巢一枝明朝下蒼弁一舸秋江滑倚篷望鷺脰  
落葉空紛糝

答唐山人 壽夢 見贈詩原韻二章

逃名三十年不入競名市箴我無他言道在特諸已掃  
翳開柴荆虛庭漾明水一握月挂樓其清納萬里撫瑟  
爲正歌元籟協悲喜竟於指爪間挾盡造化理外戰苦  
淫哇箏琶久疲耳獲遊太和門遂得吉祥止雲眼驅霆  
飈運會遞無始大流沿廣成老莊樹別子

彭澤羞折腰嘗棄五斗官生爲盛世民雖賤何不歡

孤身蝨鼻土以意包胥漫東眄攬若木西向持因恒詎  
借鵬翮高始週六宇寬雲霄有墮禽曷似棲棘翰淬心  
不受埃劒光斂其寒未待防外戕手葺千仞垣我歌聊  
答君峻語毋嫌干苦我策馬勞遜君攜杖安

附原作

震澤  
唐壽夢  
子山

四明有狂客金貂解酒市男兒七尺身那不重知己  
天風吹海濤傾聽浩雲水誰謂一室中晤言動千里  
泠然聞挈音翠溢睂間喜落落數語間雋永足名理  
昔年聆雅奏鏗訇猶在耳今茲攬飛霞三日香不止  
石窓歛窮冥結願從此始逝將尋鞠侯飽啖青櫺子

去歲畫驢券明年上春官勞人事行役獲此相見歡  
相見慰寂寂相思浩漫漫誰爲貽舴艋烟水資盤桓  
山尋虎阜峻湖汎鷺脰寬鷺湖界吳越三匝歸飛翰  
殘月虛幌迴暮雨孤篷寒豈不念霜露百蟲俱燼垣  
臨歧一尊酒揮手湖之干東流溯滄海西笑懷長安

桑槃小隱圖四絕句爲孫

琳題

天巖晴展一泓雲睂宇稜稜起玉文桑苧前身注丹籍  
鶴衣清瘦冠仙羣

我慕咸淳孫穎叔依緣笠杖謝簪纓湖區三尺櫻桃水  
不沒千秋澗軸名

君能師古軼常流直劍誰云鑄枉鈎定有靈魂度梅影  
夢邊攜笛唱瓊樓

畫烟春澈柳綿多鴛語魚榔攬綠波何日紅船吾載酒  
從君一借子同蓑

梅堰過王徵君

之佐

以新刻吳中兩布衣集見貽

舟中讀竟題後

兩布衣者陸鐵簫丈與顧醉經丈  
承集爲海昌蔣氏所刻朱君綴序

其  
端

彼二翁者吾舊識聲名溷市誰見惜朱君序之蔣刻之  
削出羅浮兩山碧鐵翁瘦硬枯木簾其色秋赭無春青  
巉巉出骨太行馬不從平阪隨牛行醉翁中秀外蒼老

其氣春腴肉秋槁畫闌不露鸚鵡樓但怪森寒竹環抱  
二翁之品相頽頽二翁文筆無低昂洪厓浮邱在左右  
天仙地仙誰平章王君重此兼金與我望吳雲懷舊雨  
康衢缶壤諧同聲窮巷飢寒得千古片篷南下空川浮  
偃爐翦燭讀未休荒蘆四溷月初落夢見一雙花羽鷗

塘樓舟中持螯獨酌至醉

樽中有酒不常滿人生百歲同逝流向來得失迭哀樂  
一去渺若烟雲收江頭青山熟行客繞船迤邐相遲留  
連旬積雨苦霖瀝倏吹爽氣何脩脩高懸薄日照天海  
便覺萬里空青浮殘楊禿處見荒店敗荷芟盡無藏鷗

憑舷舉酌向遙屬恹恹在目紛可愁故人旌騎滿臺省  
安有閒夢來滄洲蟋蟀啼老越溪晚芙蓉花發湘江秋  
陶然一醉盡今日明日之事良悠悠

入門二章

初秋出門晴初冬入門雨可憐飢寒離偶得貧賤聚暗  
壁搜海陰積苔遍階戶尙疑江篷棲睂低不能舉頽牆  
霜後葵樵悴葉皆俯似我袖塵厚綵綵重難舞刺面西  
北風黃雀噤檐語瘦子看做孺病妻向空釜剩橐金無  
多寸心費營處恐有索債人先來告愁苦

晚霽得天爽月出城東山城頭一片雲隨風吹復還略

息吾心忙送爾雲意閒似嫌溟渤大來挂高松端鄰人  
餽菰爨與我供晚餐暫飽能幾何已感深情難空虛灼  
萬象天地將沈寒斟酌贖質去錢換此秋衣單遽遊無  
恙歸家庭夢俱安團坐篝火光錯雜詞悲歡

擬作消寒會不果答張廣文

振夔

示作二章

星椒遺社幾敦槃使我從君撫卷歎風雅文章偏地少  
山川雨雪舊氈寒江頭佳樹飄搖盡海角閒雲寂寞看  
在抱朱絃疏越瑟只除湘女解抽彈

憶昔櫻肥筍熟時蕭然庭院窅然阨大瀛明月無仙夢  
冷壑梅花是怨枝問世浪傳三昧集懷人定有四愁詩

讀風未解詮哀樂絕路難爲破格期

原作

永嘉 張振襲 樸堂

曾對黃花醉午筵重逢忽忽臘梅天  
秋風乍試莼鱸味夜雪纔回書畫船  
毛穎生涯無定價語兒情景祇虛緣  
歸來未檢囊中句射雉翻爭一笑憐

嘉門兩載度春明寂歷深知冷暖情  
豪士難爲鄉里善仙才合向禁坡行  
詞章少日秦淮海獨步今時薛道衡  
縱欲消寒誰入會擁裘兀坐聽潮聲

入門復出門三十六韻

入門復出門聲發苦長邁譬如飢巢鳥  
安能避矰鏃誰

復莊詩問

卷十八

大梅山館集



云好肉肌坐之一身亦措大稟賤資天池未經汰昏風

搜凍潮低氛冰

去

塵壻窮年無悅聲萬悲與恨蘊蕭寥

空壤中曠聞大塊噫況我離窮檐百步卽荒外洌凜相

捩摩曾不爪趾害敝裘聊致暄肌膚夙叨愛趨送勞友

朋視帆到江瀨江氣漚無青羣巒閉愁黛抽纜弗少緩

怨爾津鼓搥涕泗積袖痕辛酸日愁曬寸腑寡所監虛

此年歲代難於憔悴因略求顏色耐去夕茅堂深別酒

眷遲婉慘視家人容已如夢相對拒彼霜雪欺徒壁亦

資賴壁影瘦我衣兀兀眼前在恃我酒骨堅深更挂嚴

籟極早明夏初得此歡聚再牆根新種榆青當過檐連

弱婦持槍心斂襟短簪背詎能遲迴畱而須手舉帶吾  
郡連粵閩西夷近侵界信無不測虞犯我蛟虎隘奈聞  
中路艱川梁入凌厲往往眚篋流布刃擾商僧吾裝餘  
破書不及升斗稗旣恐芒刺投奚忘履霜戒今朝行脫  
然誰復制煩瘼目避枯柳梢畏視海雲靄跼蹐托乾坤  
升沈付著蔡蒼茫餘子形高城阻叢蒼且抒擊楫歌一  
試破浪快

詣女郎王雙雙殯詞

雙雙武林王氏女工琵琶稱浙西第二手乙未五月以病

亡年僅十四附於乩自謂瑤天仙樂使者寶餅仙  
子後身里人於其殯所卜休咎多奇驗因以香火  
神事之已亥冬日  
過其地感而有詩

菜楞綠短曉雪沒草在頽牆半黃色餓雞三五叫枯樹  
破戶傾欹縛荒荻蘭幃燭淚拋狼藉幃紙迎風颭斜壁  
桐棺五尺無題字潦草深塵揜釵舄大駟高車五陵客  
四散紛紛如落葉當時碧玉年嬌怯不愛依花弄蝴蝶  
強因覓食賣歌舞怨意時時露脣頰菱湖未結鴛鴦窟  
苦雨連宵妒明月卷施糜爛心不死松柏枝柯是貞骨  
聞向瑤天偶塵謫切滿神還五雲闕箕鸞迭奏步虛詞  
畫翳銖衣降飄瞥醵錢剪楮各祈禱八口臬隸賴粗活  
傳言弟妹慎嬌護莫倚東風博憐惜薜荔霜寒山鬼泣  
黯黯西泠去油碧緘鴛語闔花明席銀蠟華屏醉春夕

可憐昔日藏嬌地，斷柱零樓洞幽漆。虛無忽盜旃檀氣，  
惆恍投懷語幽咽。出門翹首向空闊，晚景蒼涼去無極。  
湖流江水各自急，初月東南日西北。向來難昧此胸臆，  
何忍無言聽長別。

海昌陳氏園林五章

花薦錦屏風樓臺水氣中，亂篁交午翳斷約。沒天虹飛  
鳥投荒翠啼颺，在碧叢倚闌看日落。吾思亦冥濛。

疊巒爭塔勢借堞補牆陰，烟蘚五華綺風梧。太古琴虛  
堂惟葉聚涼袂，有雲侵多少危臺闕。荒幽阻夢尋。

御酒耆臣宴宮貂，太史冠內班宣舞。伎文李出雕槃麝。

氣交花燕鳧燈奪月寒不堪行樂地風急送回湍  
聞說春三月銀鶻壓院來深茵藏墮舄曲淥汎行杯柳  
靄鶯集合花風羯鼓迴我遊逢臘雪但與索初梅  
海雨夜淒淒朝雲四壁低鵬饒爭菜喫鶴凍借墻棲虛  
壑陰難叩頽廊折易迷故人鴻爪在剝落雪中泥

長安鎮曉發

戍柝聲微舟待發村雞啼寂雁初翔衝堤亂水疑崩峽  
釀雪雲天似大荒海旭含山生遠赤城蕪接野變深黃  
孤篷有客真無賴襪被寒燈昨夢鄉

溪澗紀遊圖爲仲湘題

今年八月住湖上曾向山南策馬迴虎徑深秋多敗葉  
蛟巢白日起陰雷懸厓亂水穿林去下壑流雲上磴來  
鞦笠願申明歲約重樵斗字剔漚苔

一棹

淒涼一棹江湖去栗烈殘年風雪飛凋落故人如木葉  
長天寒鳥向誰依

江上四哀詩

徐同年開業

徐生善培養愛體逾愛花每逢囂樂地避若鈇鉞加堅  
根鮮戕斲益益春發芽元精貫無溢內植良自嘉胡爲

九坂朽隕石傷靈輟亦疑天道私或幸傳聞差停舟海  
昌郭水凍雲槎枒凌寒入紆巷門徑多枯莎向風咽悲  
涕啞若城頭雅路人頗相怪短袖何能遮在昔客京洛  
世故紛空葩每接藹和度意氣平谿訝慨然重吾道痛  
癢關搔爬塵車二年別落葉驚飄沙憑淵重呼叫魂知  
當未遐應憐道旁客躑躅依誰家嗒焉返舟望堞樹懸  
古樞咫尺竟千載此恨吾何涯

鄭茂才照

鄭公有俠腸邱山重然諾鬻田齋朋好家業遂中落旋  
以多難故晚境劣彌惡脫略若無介順受轉怡樂今年

秋風中開徑踏寒穉提攜薪米資欣然辦羔酪愛昵逾  
性命論文到日落畱予苦無術堅申後來約重來亦匪  
遙君已化如鶴嗟嗟三日前支枕尙能藥靈牀拜衰經  
婆妻泣聲弱空庭掃荒翠但有烟漠漠楊侯致遺意謂  
雲使我淚漙漙臨江望帆影一日數登閣食息舉賤名  
相呼屢多錯敢有未了言倘來夢中託短緣盡一面生  
死兩漠漠白日隔黃泉願罪鄙情薄

### 方山人絜

方子在人口僅以文技傳安知砥圭臬儕輩鮮其賢內  
默閱元素外溷屏衆緣窮裝滯歸計流泊三吳屢每望



台宕雲撥撥中憂煎冰霜鬱成癘強忍諱告宜庸醫更  
相毒冥冥天爲冤滌湖散寒鳥日閉空城烟城南多酒  
樓夙共梅花筵城北有斜巷君忽死其間城南多楊柳  
城北聞杜鵑君母已華髮君妻方弱年夢來覓汝魂千  
山路彌漫聞仗友朋力海上已返棺遺書棄闌市零散  
無完全猶憶餞夏日寄我宛轉篇云我能早來尙可偕  
周旋欲死豈自知爲此摧惻言

葉山人元堦

葉君乎仲蘭果以憂鬱死平生千載期一朝成逝水自  
與弱冠交百間不踰始直恐寢食離若將性命委每約

潛深山十年讀經史動因多事故飄泊異行軌邇聞君  
病劇吾已客千里誰知慰問書竟作墓前誄意外得凶  
訃有淚不能弭黯絕一寸心若墮九淵底慘爾兄弟殂  
瑩瑩各無子大祧懸千鈞危哉一髮恃可憐伯道賢遽  
等若敖鬼身後餘遺文茫茫付誰氏遙知湖上樓敗葉  
飄故紙咄嗟眼中人存者尙有幾降殃必及善天道或  
未爾豈我葉仲蘭竟以憂鬱死

重客南園卽事呈黃丈

安濤

三章

月潔如素秋夜氣斂初靜歷落竹柏枝耿然散清影凌  
寒陟危巘意欲赴滄溟蒼霾掃萬瓦霜色去平迴若涵

江水白未覺城樹暝孤心出羣表舊態赴新領曾掀尺  
八簫踞雪坐盤頂苔根老梅圻烟末倦鳥警幽聲淒以  
感羣公醉方醒惘惘一年事了此重省

天地歲方宴萬動皆蟄藏羈人去鄉里飄泊知何良殷  
然憶吾友鼓櫂來魏塘入門各忻喜脫略刪故常如向  
幽昧中忽睹明月光爲我洗塵色攬袂傾酒漿盎盎溢  
和煦坐令寒威忘空庭偃荒草積已盈寸霜猶有海上  
鴻未息空中翔窮年遇蕭瑟得歡且盡觴

老格彌巖峻持示詩卷新斲削萬枝葉孤幹標嶙峋於  
斯驗天葆固厚克內神還與蕤樺燭抗議何紛綸播擲

驪龍珠排闥天間雲重申萬古約詎畏真宰聞層冰阻  
淮河朔雪飛渾渾一帆別君去浩莽吾誰羣異鄉得佳  
聚比昵逾所親且作三日畱慰此羈孤身

再答黃丈見示韻

天闊遠雲來湖澄夕翳開高風森枯柏舊燕識樓臺詩  
夢重尋蘚琴心欲寄梅清譚忘夜永陽信轉葭灰

原作

嘉善  
黃安濤 齊青

月共故人來柴門向晚開呼僮先下榻攜手重登臺  
記否吹簫夜依然入畫梅經年話相憶冷撥地爐灰  
炙硯圖爲黃太守丈題

人偶曠衣食遂苦身寒饑視雖菽帛殊寸念實與依葵  
衣道人志勤苦焯掌薰心蘭爪距青年磨礱到頭白幾  
盡隴廩三百杵光芒萬丈抗李杜病臂還能挽强弩朔  
風滿野城雲凝積雪在樹河水冰案頭湘管凍欲禿墨  
光浮硯生憎峻道人曰嘻吾如何安能坐待春風和擁  
氈籠帽聽閒暇馳駒白日空中過銅鈷熾炭如火輞玉  
池麝氣吹元波槃礴長揮十百紙不知天地寒嗟我當  
年畫省鳴玉珂綵筆曾倩宮嬪呵歸來田園事著作猶  
與萬古相切劘人生閉門良足樂嗟我江湖筆頻橐太  
白高峯對吟閣凭几無人宰低幙曉日瞳瞳語寒雀隔

水梅花自開落明當歸去效螫坯窮老終身亦不惡

五松園賦松三章

亭臺都廢盡兀兀五松存巢有新鳥語牆多老蘚痕風  
聲如水至日氣與陰昏百歲東鄰叟掀髯讓爾尊

花月沸笙歌繁華瞥電過輪君離世立奚止閱愁多賸  
有蒙茸薦來纏屈曲柯買山頻易券奈爾舊人何

山材無穉菟斤斧日相求大器將誰晦危生亦幸畱貞  
心天月皎壯氣海濤秋嶽觀秦時樹憑君當臥遊

贈朱

綬

卽題其知止堂詩卷

性情作經元氣緯玉在豐年足名貴天池渟碧無濫流

地下河淮自烟沸憶昔讀君少時作矯翹凌風已不弱  
理亦有範才輒馳情卽相傾意猶薄聞君十載始識君  
燕臺春袂天無氛通名座上了一揖後來離合同遊雲  
雪晴大江孤榜下解襪吳門正年蜡茅堂清曉尋寒梅  
幹影池心兀凌跨新詩七卷攜歸讀夜半霜颺逼簾燭  
始愁難竟繼恐盡神爲提撕氣爲束聲名於世多渺茫  
口碑筆史成濫觴吁伊雕羽藉喧嚇山雞野翠稱鸞皇  
知君已晚我誠過靈豹詎必皆霧藏筆非鑄鐵何勁直  
不御鉛華倍明燿翻騰浩蕩中竿籟採取零星盡肝鬲  
千秋巨製若林立逕弗相違貌無竊長言不足還永歎

喜披荆棘舉崇蘭投珠塵網色黯慘控騶窄巷行蹒跚  
便推再世得李杜豈真重爾將名山淫絲疲竹闕城市  
瓠巴不見琴毋彈

董觀察丈

國華

以余卷中荅黃廣文

釗

韻作詩見

貽依韻酬之

末學媿謏陋敢於聲名爭沈湎六義中聊用抒平生太  
華玉掌寒蓮露高風傾到地香霏霏散作春烟輕援此  
喻公詩元素相鍊烹始知白戰手能揮蠻觸兵余詩免  
唾拾亦願刊凡英何期深蕙叢來照孤花晶佛天曇陀  
羅鬚采冠上清俯視鵬所遊九萬非闊程由旬量烏兔



左右懸輪形惜彼四大洲歷劫終盲盲性以道爲輔氣  
乃理之萌初辨慎經緯久化徵合併象外超超箸太上  
非非情千慮喜一得百緒歸寸縈吁嗟此道衰大壤喧  
蠅蟲紛爾習恒態居然操奇贏炬燹未能遍與公同鬱  
忤抱魂蕩心坐躡足屏睂行轡御上廐馬鐘鐙明堂鯨  
永固鐵圍山無壞金墉城共持混沌帚快掃乾坤冥

原作

吳縣 董國華 琴南

斯文繫元運得失千古爭高懷物表蘊太音絃外生  
芒燄星斗接瀨氣波濤傾所懼正軌戾勿慮流輩輕  
真豔陋輦悅至味殊鼎烹姚君起浙右詩法雄心兵

孤立具神勇堅陣排羣英采入洞奧變特出驚嚴明  
餘力破溟滓奇光奪冰晶比來此道雜茅葦待廓清  
予少事柔翰如射不中程苦吟銑肝腎寂感遺影形  
區區競門戶鄙彼溝猶盲上探風騷源漸覺靈光萌  
所惜困簿領錯午雅俗并茲幸謝塵鞅退適邱樊倩  
相期泝正始荆棘除紛縈琅然夜堂磬涼韻與蛩  
橫竹別分刊累黍諧奇贏敢言笙璈合差慰方寸忤  
春明攬景轡濯濯王途行將賡阿閣鳳先掣碧海鯨  
昌黎得修綆交房築長城庶幾巨刃揚白日開青冥

與劉山人

咏之

五章

奈何離別來君文與形瘦秋山削蕪綠骨立彌深秀飄  
花溷清澗香萎卽成垢咏懷齊女貞誰能誚其陋高雲  
生薄陰變象作波皺虛心以相期遙遙有巖岫

大化日凋敝存者皆形餘慨然吾道衰誰讀商周書太  
空引閒矚微茫辨元駒涵精吐其粕蓄厚紆以徐古壁  
偃瘦鄂澄潭懸明蟠使我方寸心置之皇古初

驚文供旨澆青年樂萊舞頤養深宅中未嘗出閭戶載  
續南陔吟不慚亦何憊幾見寸草暉得待富貴補旅食  
寡歡悅耳目盡風雨翹首望白雲誰復有肝腑

砥行畏人識匿名里閭間謳吟暢其致粹然皆道言萬

木不動風霜天自高寒孤鶴何寥寥來與清氣蟠瓊林  
匿蕪穢位置將何端飲啄但能潔安庸悲草菅

讀君往歲詩懷我風雪中風雪浩吳楚過海無一鴻斯  
時歎客舟中道方感蓬敢勞君夢魂涉險來相通忽茲  
復握手且罄歡悅衷歡悅亦何常明日山萬重

### 薄霰

薄霰灑灑如散塵擁裘曉步寒江濤羣林黯慘生古色  
獨鶚凌厲無倦神人心靜與俟時化天倪力欲迴陽春  
且謀淺醉借暄意甕醪雖濁聊逡巡

### 畫梅題二十字贈周 旭

喜氣生眉梢吉祥慰天願莫嫌瘦不肥與君祝老健

吳門度歲

城淑雲陰晚得蒼已教臘雪避春陽夜光六市浮金氣  
花信重樓動鬢香酒泥深樽防夢淺天教閒客傲人忙  
遙知紫嗣咸池鳳欲與東君共試翔

復莊詩問卷十九

大梅山館集

鎮海姚燮某伯甫

元旦登彌羅閣

以下庚子作

一元轉和煦羣寓歸善良香烟盎紛郁上薄金烏光振  
衣躡高閣鐘鼓何肅皇台星擁天帝霞晃虹爲裳颺旗  
玉鸞白驂乘靈虬蒼元函啟真誥宏闕誰能量羈輿壓  
階阼琬琰交琅璚豈真福可求舉國趨若狂我來倚闌  
檻孤想踰衆望吐納太清氣導滌冰雪腸曠然見千里  
海色青未央諸山可提挈湖水同挹漿東風吹喬雲獨  
鶚高與翔下方出人語聽之皆吉祥相期各歸去一年

永保康還就黼展側拜陳萬歲觴

人日招同楊

韞華

蔣

寶齡

楊

淦

劉

泳之

江

信

陳

佐

鈞  
飲寓齋席上作

諸君各故鄉而我獨爲客招飲喜不辭相勞慰孤寂沈  
沈紙閣雲陰夕疎雨當階響寒滴窖花奪氣舒早紅牆  
草含蕤媚初碧眼前靜態娛閒飲禮法無苛令無迫屠  
蘇漉帽珍珠光椒餅花豬薦春食君房言語妙天下叔  
夜清談抗疇昔生平我輩多離患不盡今歡亦堪惜去  
年仲冬始出門笠雪篷霜苦行役草堂素壁詩箋舊瘦  
月寒梅夢江國差欣異地良朋聚容易筵殘轉悽側哀

樂丁年付短歌天地辛盤幾茲席湖山日霽氣清佳更  
約蘇臺試紅屐

鄧尉紀遊詩八章

羣山少寒態霽綠出新染江潯濯橫影疎雲不能掩桑  
逕雨猶濕松梢日微閃氣觸藹難狀耳目皆淊淊妙邁  
溢衆澄真味補吾澹嘯傲攜吟朋  
時與蔣琴東父子  
陳子香鄰同遊次  
第入深嶼

羣梅尙遲萼香風杳來期忽見樵擔行橫插疎花枝潭  
南五百樹入臘已垂蕤銅坑千尺深但與明月窺鈿雲  
遠難抬聞鳥心一移因盈閉空谷何救行路飢



古寺壓萬峯高閣踞危頂平湖返虛照素壁動松影漁  
洋睇烟外入夜未肯瞑胥包隱蘋未搖泛若鷗迴昏鐘  
叩空碧一曳去荒冷勞心冥無倚棟爾得微警星斗錯  
衣帶千燈出人境誰知喧擾氣上方已先靜

閒寮借僧榻且度今夕眠夜中夢微覺過枕聞鳴泉吾  
生苦行役塵漢難自蠲何期奔逐中得與空山緣晨興  
踏松磴爽淨無畱烟浮嵐一川晶白鳥媚其間始知夜  
來雨一洗羣象妍

齋厨飽蔬飯別僧下山去九盤落湖杪已非昨來路黃  
蘗颯明沙春霜未成露乍有清歌聞漁帆出無數水雲

兩默默寸意與流沍濯我向超潔轉增入塵懼可狎不  
可譏浩蕩媿漚鷺

曉風吹泠泠疎聲澗邊出林篁四山動日影散飄忽回  
頭眄所經倚天一樓翠始悟昨夢高得傍古時月真靈  
盪元氣招我共斟吸吐爲蓮華雲萬縷散滄渤

憶昔商邱宋亦有新城王洞庭挹衿袖卷簾陳玉觴高  
文耀天際韶瑄諧鸞皇并綬一以朽藻采沈鬱蒼迢迢  
白雲盡默默淒鴻翔湖壖有青草生與蘆葉長良朋預  
今讌顧盼差足強聚散且弗計罄此壺中漿山川夙無  
變冠蓋安有常應知後來客念我同茫茫

餘興各未盡往陟吾家山俯視衆天女羅列千百鬟紺  
雲布空地得氣殊旃檀糾以萬井烟變作青海漫浮圖  
隔茶磨弄影茫眇間何虞具區水逼向虛空寒拂拭金  
烏光林屋低可攀丈人不入世至今猶童顏娛覽苦不  
送舍去誠大難益愁後來約殊少今時閒迴風振穹壑  
羣瀉奔急湍危慄懸胡益掉臂塵中還

司徒廟古柏

司徒廟前四古柏謂是禪木同云亭森然遙見數里外  
入耳已得風濤聲荒烟匝院蔽高日碧苔滿地埋濃馨  
大者勁立直兀兀高二千尺通青冥穹圓華榦四週出

凝如玉蓋垂葆纓向南一樹更驕強頂脈緣踵無一平  
糾麻裹葛極堅緻體則爲豎紋則橫牆西一樹或非樹  
鱗爪屈詰頭崢嶸向空騰擲待龍關雷雨退避無能撓  
其一空洞久槁死樛枝旁出何英英梢將西挺更東折  
勢已順落還逆縈低垂衆柏亦蔥蒨但許環侍同兒嬰  
地氣盤礴固能厚天工遊戲殊無情當有精氣與流貫  
千秋萬載常青青憶昔司徒佐炎漢西南赤甲驕連營  
左岑右馬互犄角北平河上無偃旌可憐勲業等摧朽  
淖汜大樹隨飄零爲撫此樹拜遺象今我弔古心忼忼  
諸葛祠堂石積壤通天樓觀銅盤傾畱茲軀骨尙雄偉

安見土木非神明遙嵐漸向溟渤夕狂飈忽復虛空行  
咄嗟舍去不復顧蒼雲肅肅啼巢鷹

錫山逢徐

熾昌

漫教驚喜致滂沱雪夜鏗筵且放歌不信顏非前日好  
誰知別已四年多飛鴻落寞沈荆浦

謂孟卿少  
舉昆季

折柳分

明記潞河江上片帆吾欲去後來把袂定如何

梁溪雜詩三絕句

水城積雪浮明月佛閣疏鐙照遠鐘夜半可憐殘夢醒  
衾寒獸自倚江篷

山帘搖動落日斜玉蘂細酌龍眠茶盎然肺腑溢春氣

笑踏殘雪看梅花

疎柳無多畫晚烟纖鴛不語自娟娟剛聽一曲江南好  
催上毘陵送別船

別陳

佐鈞

北風打頭我難北且送君歸南向行君行不行亦何戀  
移舟來傍吾舟停斯時雪霽月滿城萬木齊拍冰花傾  
疎篷坐對燭光短蕭蕭洶洶多危聲危聲掄抑出更鼓  
三更蓼蓼夜停午沈沈四鼓君未行脈脈中情若難吐  
當前相感猶至斯別後相思定何許春燈買醉閨門樓  
君飲不辭千百甌直令意氣抗幽朔下視屠儉真呶嘍

竭來尋春鄧尉路靜撚梅花琢幽句偶言萍水有離合  
轉復低徊感身世我向吳門十日住冷郎勞君日三顧  
忽乘風雨梁溪遊更得五日同扁舟頗願日日共茲樂  
我非江水君非鷗君行且行吾弗畱努力精采崇前修  
我舟待發君已遠行誰送我江上頭君行南去我行北  
眼看長江千里流

元夜步月錫城感作二章

雙角山村舊事非玉琴清怨奈王微疎筠倚水如人袖  
殘雪當門只薜衣時往已無家可問夜深或有夢來依  
淒涼燕子前年壘羃巡寒花黯自飛

那得珍珠贖翠翹十年風雨損蘭苕至今弱質無根蒂  
可惜重樓委寂寥明月微波誰照鬢春燈鄰院自吹簫  
吳城天際清霜白莫向闌干倚此宵

小青洋至大青洋舟中四言四章

天雲入江影遠益邃靡靡野蕪及春猶悴平眇百里荒  
赭無翠疎風在林散若竿吹感寂慮游心負易置攬衣  
就衾倦且適寐

微瀾如汐擢逕九紆匝舳萬條鮮翠可攄斷約橫市樵  
青挈壺若有鷗鳥烟際相呼嬉嬉婦子各守田廬嗟我  
行役嘅焉其吁



故人扁舟風雪南下

謂陳香鄰

宿酒在樽奈此寒夜支硎有

梅繁枝其死江不可涉夢往何藉微月遠含長流一瀉  
山齋隔篷若與烟化

水風振厲舟行未停引爾冥想蕩搖若旌低吟寡和荅  
以榔聲照我兀兀厭此孤檣君山氣縹緲畫淥春瑩仙姝  
可就愁願密傾

江陰雜詩四章

平流媚疎木春雲度婉晚羣帆收亂幅高塔出孤遠夕  
響生迴潮空鐘與流轉城靄澹欲合青際鳥紛返靈景  
導閒瑣沈思赴紆散惜哉玉柱峯迢迢阻塵眼

曉澈作瓊色濯出芙蓉青仰首見君山含睇何盈盈泠  
然奏笙簫上有松風亭古愁往相盪變爲悽惻聲黃歇  
葬其下壞草春無馨但有曲阿水滾滾趨晉陵灌滋下  
洮奪旌蓋東周零何問梁鹿娘仙迹畱杳冥

夔兀南門橋上俯朝宗樓白日打津鼓蔽水開根艘魚

市酒煙密菜脰花氣稠爲瞻道旁色頗識居無憂我友

吁黎子

時陳雲乃司馬攝縣事

經行任孔傳操刀此司牧利害深

講求布政如其文精切無少浮因之凋敝氣一振還密

周吾將下揚子樽俎空夷猶神騏貴善御勗哉九坂遊

江水接白雲曠宇生漣漪客心去微眇靜與野馬嬉爲

復淮詩問

卷十九

七 大梅山館集

酌杜康酒因諷眉山詩承天已無柏黃臯何鬱熾昨日  
登夫椒明日趨大坏勝遊偶茲托瞥若鸞影馳坐待浦  
南汐解纜幸遲遲佳山與良友致我中道思

京口二章

將次出京口尙隔瓜州程大江如黃流誰道春來青羣  
鴉喧岸柳旣散還復盈霏霏沙日中東風飄檣旌連編  
各維纜水逆無由行長天極遙望向晚何廓清平翠遞  
山色微綠含草情昏烟鬱牛斗下爲南徐城峴氣久疏  
洩地險徒吼噪屯營昔堅持掃蕩猶殘萍閒眎錯中感  
夜色沈冥冥迴波忽颺起挾我胃懷傾

迢迢北固鐘吹聲入篷底寸念不自持推枕夜中起  
蠶船三尺高下有千里水千里東流來西向去瀾瀾水上  
什百舟各各異鄉里沈沈落月中不知醒者幾橫簫倚  
孤燭曼調引悱悱宕以疎楊風畢韻轉淒靡聞鷗爾何  
知槭槭聽江汜鷗語漸寥落鴻語接迤邐羣舟歎息聲  
紛然雜潮尾他鄉有今夕悲來那能已

江行五章

雲日頗黎海林巒翡翠屏冷鷗窺露戍畫鷁汎烟舲天  
遠飄城旆風高增鈴回頭練溪水七十二流青

天塹扼吳楚山川氣鬱蒸亂峯入秦峴孤鳥下修陵若

火中冷樹齋帆北固僧濯衣思祖逃江水去如瀨  
錦樹射堂晚荒筵鐵甕秋高文懸沈左長戟拓孫劉古  
思沈沙草殘山有佛樓老漁無閒感花淑狎春鷗  
蠶殼窻斜挂蘭陵酒薄醺羣帆天外沒孤篷水西聞客  
夢烟花老鄉愁海雁分一痕遙颺綠知是蜀岡雲  
隱隱小帆山送人低翠鬟客從瓜步去潮自夢溪還冷  
磬飄黃鶴疎頻語白鵬叩溝春水曲曲曲過荊灣

夢醒雜述四絕句

旗亭初柳未髭鬚乍可春雲展碧嵐日落舵樓殘夢醒  
猶疑江北是江南

天邊一雁南來影爲底勞勞趁夕暉昨夜夢回鄉國去  
逢君猶自海東飛

曾倚梅花祝滿卮別來消息定繁枝闌干橫影是殘月  
莫誤初三夕倚時

二月橫塘花事近碧桃纖瘦牡丹肥春風待爾傳幽怨  
莫到開時尙未歸

時蔣琴東喬  
梓尙客梁溪

### 登城南佛閣

無那登高又異鄉淮南草木見荒涼江風天半流疎磬  
帆影雲邊動夕陽鐵戟埋沙無戍壘瓊花選佛得經場  
影纓蹴立看飛雁一憶音書易斷腸

和河帥

鮑慶

丙申六月焦山放鼉詩

土龍乾之精上陽稟元賦杙宅天吳宮搜蛇狎青霧何  
虞支巫邪鐵索坐遭錮完顏今范韓澤代聖皇布朱  
鳥燭南溟巡江下瓜步聚族朝靈囿支旗燦無數脫金  
酬敵師縱爾涸潭鮒似感再造恩張頤作南顧長江導  
岷峨萬里拓星路去衛黃天濶峻作雲塹護演漾桃花  
春與侯大功樹命乃侯所膺乖虬敢相妒造化性爲游  
在物尙無忤淮揚十萬民誰復困號譁

酬許同年

鯤

見贈韻四章

天門揚翠葆崑柱洩黃流曉颺三霄鶴秋馴萬里鷗君

懷高自遠我志踴難酬安用名如蝨蟬蛸遍九州

識蕃空有孺愛李不逢韓密樹春城合疎筵夜火寒江  
淮與流滯風雪雜悲歡鬱爾肝腸淚逢君未忍彈

飛轂開烟沙燕京三月花歌郎睂色換騶卒帽沿斜感  
易深雲葉詞空續夢華如君謝芳草不與燕辭家

南門駢馬別悵矣隔三年尙挾襴衡刺難逃蘇晉禪行  
誰憐蹢躅醉且舞仙仙早晚秋風起重當話水天

同鴈雲官李宗沆許鯤東園看梅還道謁史閣部

墓

新藤一剪如湘綠貼水樓臺氣華縹飄風含媚宋禪舞



麝幃珠塵壓金谷忽交低幹亂當路乍有橫枝遠窺竹  
按摩日氣益穠厚愛惜春心猶蘊蓄孤亭迴出萬花上  
六代江山得歸來置身霞杪尋禽語紺影浮浮動巾服  
八貂列座宴明月謂昔文章著名宿闌珊鶴背霜天籟  
一闕傾城聚車轂紛紛興皂雜呵嘗安得清樽洗花辱  
相將舍去覓幽邃咫尺忠祠在城曲墓門落日滿苔棘  
亦有疏花汎林玉撐雲鐵骨老彌勁飲露冰魂瘦難斲  
空庭淒爾無人問誰薦寒泉等秋鞠園丁雙鑠面垣立  
手把長鑱種臺版我來看花兼弔古摧惻南朝失偏局  
高劉有靈或未死應媿公前丐殘馥隔烟回望東園路

尙擁簪裙似汀鷺安知吳宰真消息不寓紛繁寓沈穆

次日雨中同人集厲君寓齋疊前韻

忍冬蕤蕤萬葉綠雨氣相薰極清縹叩門俗客謝曹李  
入座詞人揖坡谷雲移宛委當樓山風語璫璫過牆竹  
櫺間鳥影忽紛度天際晴光但微蓄看花頗願昨遊繼

泥滓難堪筍鞋束遙望春熙三百樹

春熙堂在東園

十二明璫

褪綃服金魚重闌淒烟閉纖翠中宵怯眠宿應知荒澗  
飄脂粉不復濃香擁鞍轂百琲珍珠一寸心誰與江妃  
慰推辱無言紅萼定追憶且按瓊箏譜姜曲曲終簾卷  
舒清眄石角苔枝見寒玉苦凝柔媚向幽僻遠避羣塵

謝雕斲佳人薄袖憐風雪隱士孤情傲松鞠相因列坐  
娛閒興沓舉樽罍飽蘆菰四鄰羯鼓喧豪宴一院清陰  
開冷局詩心渺渺生霞想談塵霏霏溢蘭馥只愁眼底  
春潮急江漢東西散鷗鷺出門扶醉各歸去向晚城陰  
入昏穆

飲阮明經丈

亭

珠湖草堂雨霽登文選樓兼呈相

國再疊前韻

林光破霽吹虛綠新燕如簪語晨綵冠裳十日苦酬應  
忽置閒身向空谷梅翁風格超瀛鶴上座指揮如意竹  
一門俊彥邁江左各抱蘭衿靜涵蓄

並晤少梅華甫魯卿諸君 余心

蕩若秋郊馬騁入懸厓得收束晉公勲業耀天地綠野  
承恩遂初服安閒一几陳爐枕俯仰三朝論耆宿貌  
蒙獎譽及賤子儻在車輪願爲轂草野文章等泥礫齒  
頰人間幾榮辱生平鬱志苦沈悶差引娥輝照紆曲隋  
樓百尺冠青杪密篠琅玕動珠玉橫階蠟蕊看齊整積  
蘇烟痕與磨斲四城雲樹入圖畫萬帙縹緗益芸鞠瑯  
嬛或借茂先住上葑奚勞覓芎蒢更歸堂上延幽翠賸  
雨影還潤琴局深情轉怨庭光晚薄醉甯辭甕頭馥此  
去車隨京國雁應有書傳大江驚垂楊不與相思繫那  
水春風阻和穆

舟次

疎柳橫江曉氣清  
碧光如水向空行  
眼隨城上風鷗去  
遠見一星天際明

惜湘奴

已丑秋余得佳竹製爲簫字曰湘奴十餘年來嘗左右焉忽自裂詩以惜之

湘奴兮湘奴  
旣不叶清廟明堂之疏瑟  
復不爲王門豪座之濫竽  
從我十年牢愁抑鬱  
寄爾聲嗚嗚滄江秋  
高明月孤蓮洋一箭飄瀛壺  
或則下三十六陂泛七澤  
遊五湖以爾作天風海濤之引  
若有金支翠葆冰夷龍伯  
跳擲來嬉娛胡馬夜馳  
河冰如鐵燕關朔風飛大雪  
以爾作伉俠激楚之音  
高如胡笳下如鶯篋  
能使當筵

壯士冠纓影影仰而酣歌以手擊節破愁結維揚闔門  
多酒樓美人紅雪樓上頭春水爲曲珠爲喉引爾以清  
商子夜之別調但覺如斷如續低徊宛轉一聲一息相  
綢繆湘奴兮湘奴爾豈以知音之人不易得將投空山  
斂爾之聲屏爾息弄玉不語湘娥愁白鳳青鸞折其翼  
寒蛩兮唧唧鳴雁兮離離清露滴篠風吹桐暮聞擊柝  
朝聽鐘繁聲雜籟相彷彿吾欲呼吸而宣洩之誰爲從  
龍門昌黎青蓮白石難復作若有紆迴不可告人之意  
吞吐在齟齬爾今已矣安所托湘奴兮湘奴以爾一尺  
八寸三分之竹於我牢愁抑鬱十年寄爾聲嗚嗚我之

待爾亦不辱但未挈爾方壺圓嶠蓬萊巔一奏翔風之  
吟而歌白雪曲

下相

沙烟漠漠斷楊多向晚驅車下相過忽地風笳催夢醒  
眼看斜月挂長河

宿北觀河

根天委諸海絡地如長繩旁支百所匯流貫皆元精駕  
梁有靈鼉捍險多神鯨未敢恣咆哮沫來擾中流清高下  
錯殊詭善導斯和平周防失堅固譬若人心傾我來宿  
北堤一望瀾盈盈但據百里勢頗測千年情惟時日方

午盪采浮玉晶遙颿颿雲葉閃閃空中明迴折入窪淺  
水氣收漸冥偏於遠林外一露烟瀾青大塊遞沿革川  
陸每變形何以積石源終古流無停江淮殺餘勢灌決  
應善承順洩壅之逆縱阻溢乃橫遂使胥楚間時戒蛟  
龍行宣房果堪塞禹跡詎未經應知一疏閉萬命闕死  
生安得張騫楂往叩黃姑靈

自汴塘至小山子同錢同年

廷薰

作四章

孟嶺南迴驛路斜忽開烟瘴見人家犁童赤髻蒲爲襪  
汲女青巾楮作花馬槽疏鐙聞麥碓牛鈴冷巷出柴車  
暗吹微雨三更過落月昏昏照爛沙



此去充東古道頗恰因瓠子未停歌城嵐木杪明孤嶧  
檣影天邊見大河柳峪晴蕪屯翠騎蒼溝春漲浴蒼鵝  
夜來夢傍雙輪月蓮葉千山碾露過

檐木陰森叫惡姑巡兵互櫟警流逋風聲掠地多荒礫  
烟氣橫塘有亂菰壞墻倚空如卓杖斷峯出漢似懸壺  
古愁難滌張平子起剔殘籌看鹿盧

大桃天半嶺雲旗二月柔條動綠姿壓陣風鳶遮白日  
籀空野馬習遊絲耳繩夾道懸髡樹上銍當門煮爛茨  
醉倚墻頭聞乳燕氤氲易觸是春思

大桃  
山名

南沙河題壁四章疊前韻示錢同年

練色穿橋灩水斜  
滕陽古堡壓千家  
飢烏啄樹爭冰葉  
病馬眠槽避雪花  
上洛蒲桃雙簪酒  
下田管鑿隻輪車  
三更野柝羣呼秣  
更向南沙走北沙

狐貍風暖送行旗  
平軾鳬山照玉姿  
四塹高榆翻露色  
一川短薺櫛烟絲  
邊州促餉官傳檄  
古道尋碑客剪茨  
入望已違鄉國景  
况聞鳴雁警離思

獵鐙穿林響僕姑  
雲芒一瞥鵠鷁追  
縱橫駝薦坐芳草  
錯雜羊膾烹嫩菰  
相拉小蠻調手撥  
自斟巨海解腰壺  
五陵意氣吾慚短  
且檢囊籌鬪雉盧

低轅踟躕夢苦偏  
頗難得良朋與歎  
歌兩地三年如尹  
邢

一時千里共關河徐陵樂府餘黃雀逸少書箋重白鵝  
岱頂日華天咫尺相期並轡泰安過

嶧山

鏹沙出烟色淬若芙蓉銑稜稜照空碧薄日凝無光中  
包極深赭橫疊皆老蒼危凹斷成礪怪礪環作牆鶴翅  
陡旁折龍首忽上昂草木不散附特立天骨張防山一  
拳石萬古遙相望太陰鬱元氣至正朝明堂結束泰岱  
脈控扼齊魯吭龜蒙矧奄有大東宜其荒

汝陽夜發

蒼龍礪芒斗柄指寒月沄沄盪明水三更風起沙不動

一白清霜凍千里荒籬老雞鳴樹根槽芻飼馬開店門  
軋鈴搖兀出平陸夢回人語東平村

大風坐獨輪車踰東平山自王古店進句龍抵舊  
縣得詩六章

輪鐵埋淤沙健臂挾之起相持偶不慎側身墮淵水隱  
思跨斗牛縋棧出天觜下俯東平城一丸陷釜底抱郭  
千章松簇簇但如薺黃埃奔怒潮堅堞欲摧靡鷹鷂若  
亂鷗出沒海聲裏斯時十萬民白晝閉闔市托命顛危  
間仰首失援恃安知絕壑上孤客行未已委身一葉輕  
飄搖聽所止

迴風入峽來塵頭壓人面腦後天鼓鳴  
砉然攢萬箭飛騎出旁塹馳突拒一線  
噤口不得呼搖手色爲變日光偶微動  
燭若閃頰電照見鈴聲中毵毵斗纓旋  
萬象駭鼇擲六合警龍戰寸心依羣山  
凝止戒搖眩

覓醪王古店暫息輕車裝居民鮮人趣  
何有消渴漿穴地溷穢特石壁依爲牆  
破薦三尺厚貼竈供几牀但有野菜食  
論年已不荒倘儲一區粟垢面生奇光  
生理苟弗絕誰敢怨上蒼斯時風稍定  
雲散天荒荒顏陽照薄雪碎影飛澹黃  
淩寒上車去躑躅鐸山岡

暘日耀萬巒鎔若出冶金忽疑墨華灑  
天雲射其陰雲

奔復遮日百里還晦沈日光反遙射朗見天末岑嶺起  
四山鳥盡去投其林始知微物意亦自憂肅森誰司造  
化權此理匪幽深

亂山如絞麻一束一步緊虎峪通大棘

山名

猿梯接斜筍

崩崖欲塞谷及地勢牢忍故畱微隙通萬年作喉吻南  
柯百千蟻車馬去蠶蠹我來厠其間浩氣忽消窘側俯  
穿樹椿倒盤上芝菌輿夫面覆地短喘曳長紉眼看尺  
寸間亂石墮齏粉未消太古氣願乞巨靈墾天半出戍  
旗斂翬立孤隼下有烟光搖日晚喜村近

東阿有舊縣青巒匝屏幃拱笏若朝海偃僂皆北向下

車驚稍定捫心故無恙百戰出重圍轉覺神氣王孤月  
懸漢高太空掃浮瘴卷簾招妓歌絃燥發音亮百媚作  
旖旎落指輒沈壯難得置酒高適在萬峯上非因危苦  
餘借此歡樂償既醉且出山揮鞭兩山讓夢曳鉢衣遊  
天門詠蕩蕩

同作

仁和  
錢廷薰 秋峴

逆風吹沙沙翻波綫路屈曲如黃河咫尺人馬不相  
見高輪大石陵嶽砢黃埃濛濛落細粉非霧非霰誰  
爲搓忽然迴颺壓天半白日到地青山多有如游龍  
戲大海矯首奮爪紛攫拏一峯最高出雲鶴俯視列

壑猶羣鵝崖崩磴仄不可度中間橫起雙盤陀跂行  
縮若蟻緣磨石紋齒齒皆旋螺雲埋窈洞人跡絕無  
乃萬古封烟蘿奇哉姚子鑿幽險隻輪犂礪千山過  
目光炯炯面黧黑聳肩跼坐聲吟哦自言傑句塞胷  
臆昔所未見今蒐羅窮形盡相山鬼泣我亦摹寫歌  
長歌詩成夢覺月西墮御者告我來東阿

德州大風渡河至畱智廟下車成歌

大風昨日趨東阿今日大風安陵過昨行陟山今渡水  
若以窪險爭兀嵯孤城抗水水難激水偏逆折揚其波  
水高岸下猛旁溢洋洋赤地生盤渦廣川向北入中水



天胎山名一點漂浮鵝下流衡漳不可塞迸氣洩入胡盧

河我車欲渡未敢渡水與橋並橋梁頗四蹄騰擲待收

制瞥眼已落空中梭防南五縣極卑鹵往往白日遊龍

鼉紫微縱可作屏障宣房失戒還如何斯時風力益道

勁千林颯沓傾枝柯龍且怒抵背水陣夸父倒曳追陽

戈粉衣墨面凍指爪車箱跼屈同蠶蛾僕夫跨轅帽蒙

頂亂鞭篩馬相叱呵須臾抵店脫危苦急傾瓮酒如澤

荷心肢稍暖意亦定仰看千里流鴻多嗟爾風伯恣饕

虐譬彼虎政徒煩苛皇皇真宰操生柄太平不作箴箴

歌東方月出爛冰色大圜脩若青銅磨臧家橋畔好風

日明朝看柳踰渚沲

河間懷古

尾宿天垂紫氣纏北關鎖鑰瀋城懸誰尋海上童男藥  
尙數墟頭姪女錢樂壽軍門橫斷石日華文館閉空烟  
大毛祠宇任延墓一例無人薦鞠泉

南楚黃生索贈

山嵐動晴翠暮色似初秋所惜君能飲荒村無酒樓高  
天雲不斷歧路夢難畱篋有離騷在長歌止別愁

旅夕感懷七章

太清廓無埃至質爲大文但求生理足鳥獸皆吾羣風

涼感木落日暖知草薰時化辨了了不資衆議聞守拙  
濬天巧無間斯善勤束志謝凌躡亮彼哲士殷

西山對吾牖倏已含落暉元髣漸更素往轍何由追張  
琴軫無易落指聲易違但許正始存詎怨知音希黃雀  
爭飲啄所志亦已微遐哉九霄鶴不向園林飛

空梁燕唧唧戢翼已將雛食息有同命似爾霜枝鳥至  
性匿難喻祿養猶區區未聞萊氏子每在千里途拊膺  
感平軾破象嗟謫觚載歌陟屺詩怒焉心如茶

迭時獻羣景六合彌新鮮取挹信無盡有得難自專所  
願祕精力與化相磨鏘露葉懷晨滋芳春終易遷讀書

敦古好仰溯冉閔賢誰通內景術永斯葆盛年

出山無靜雲行路無美人慕彼村居叟七十能負薪誰  
無雙玉佩炫世卽匪珍轉憂篋中闕適受造物真屠沽  
可紳笏高節空渭莘我將攜琅玕垂釣東海濤

春風如遊客遠及千里行原上楊柳枝已媚山川青覽  
物信芳淑感候還涕零復此役車馬曷由慰平生夕風  
澹靡蕪晚色娛流鶯愴焉步平陌聊慰羈栖情

秉燭惜清夜對影傾濁醪澹如坐風雨頗息機心勞白  
雁墮空影黃河去滔滔天末清鐘鳴九野星辰高去想  
渺難縈真趣時一遭操縱存吾心塵濁何能囂

趙北詞三章

趙北有春柳鵝黃微裊風含愁如病女側影故自慵橫  
疎水烟濶夕月澹融融何如西湖上乳燕語疏隼

趙北有春水漾漾七十二沽停櫂下魚罩落日飛鷓鴣天  
杪生晚翠雲葉相模鮎若隱離山色一睂痕有無

趙北有春草微綠吹淺沙玉鞭挂遊騎酒帘風颭斜年  
年三月盡大堤多落花宛轉十二橋倘來六萌車

宮井營曉懣

壓泥露重且停車殘月西山對酒家隔水微風捎弱燕  
昔時歸路看楊花易撩客思惟春色不斷哀音是曉笳

眇眇余懷去天末沙雲烟草竟無涯

曲溝題壁和張際亮韻二絕句

曲溝斜日送征鞍天際高城出固安風樹危無巢可宿  
荒河雁影去孤寒

料得東風喚乳鷺拂闌絲柳綠搓成可憐客路春如臘  
夢壓棉鞍聽雪聲

固安車中夢葉元階

臨安城中散筵席誰道生離成死別固安城中一杯酒  
醉裏生魂夢死友朔風白晝吹烟霾日光滿地愁不開  
千里百里凍春色君魂黯黯何從來湖西攬碧多芳草

握手分明致懷抱天姿玉朗頤豐潤不似年時色枯槁  
忽作慘澹容若言死愁苦手指篋中編泐泐淚如雨耳  
根無盡淒涼語夢醒曹騰索何許無端萬緒愁絲亂寸  
寸糾纏向心腑每得新詩輒相憶眼底何由更尋汝吁  
嗟乎君死未及七十日我行已客三千程南來一一穿  
雲雁都是君邊慟哭聲

榆堡

督亢川原接土畿中都門戶拓平達天遙城與翔鴻沒  
晚霽雲隨去馬遲烟阜疎榛荆浩畫水灣芳草李頎詩  
應知一角西山色綠到南莊舊酒旗

黃村

平天雨氣散微茫春樹連村鬱露光獵苑青林開鶴道  
市門黃磔築駝場珍珠壓缶牀槽熟翡翠升槃野豆香  
上馬欣然得酣飽朝曦隱隱見扶桑

古風

閉門三年讀書一編出門千里三年未已作賦何必鄒  
枚才相馬何必黃金臺玉真洞府閉丹竈但有老鶴眠  
綠苔青琴毛女已頭白丹邱先生胡歸來強筋能挽弓  
不如馬力健傾瓢瀉海水那知井波羨大布可暖錦繒  
賤仰天鳴鳴淚如霰



都門春感雜詩二十章寓崇文門試邸作

小構蝸居後院偏微風窻紙代鳴絃如花心借晨杯養  
似水衾邀夜燭憐敝袖粉痕曾媚蝶故鄉桑節正啼鵲  
窮生未掃塵沙債辜負香麝又一年

通侯幾輩解尋詩麗月天橋問柳絲芳樹露濺車子笠  
高城風軟酒家旗圍場蹴鞠諸郎散故巷笙歌舊夢移  
攬髻獨吟無悅調低聲恐使鷓鴣疑

破帽疲驢總不時痛懲調語付期期路因畏狗思樊噲  
客漫逢人說項斯小雨潤塵須款段夕陽流媚半新枝  
王孫久餓蒿爲命北地原無漂母祠

平量七級上天梯北斗星高間闔低手弋科名逢大獵  
力資保障據長隄勾留燕子無深院灌種桃花有別蹊  
且脫杖頭謀小醉綠陰南郭看扶犁

小姑嫁日未分明苦障羅紈學嫂行優孟當場原土塊  
文章滿篋是塵羹風雲幾許愁中揭餽肉都從夢裏生  
佳卉宜春天上苑祇教禿鵲媿初鶯

閒抄熱徑逐斜暉薄笨塵車短後衣遍識酒樓沽喜便  
每逢筭社聽忘歸寒暄氣候誰相習游俠襟懷近漸違  
輸與西山依舊好江亭來照綠蕪肥

借得靈胥市上簫悲聲激烈唱龍標頗愁家遠書艱達

却喜朋多酒易消  
花磧驚沙中使騎  
槐安短夢上公貂  
梳爬百感供豪飲  
耳攝奔風似海潮

百丈春臺倚日邊  
凡花恒鳥亦神仙  
費金買骨真多事  
側髻簪毫盡少年  
白雀自彈窮邸瑟  
黃鸝遍拂上林烟  
未收布襪青鞵券  
難說名山遂夙緣

餓蟲都成執戟郎  
名駒誰是汝南王  
鉞彈陌路非長策  
曲賭旗亭亦濫觴  
挾刺候門吾已厭  
逢人摻袂姓都忘  
不如閉戶拈蘭坐  
靜滌騷心眷碧湘

枉從隘道闕蛇溝  
風氣淪卑信可憂  
襖社競邀名士鯽  
市門分鬻賈郎牛  
十年夜火茹黃蘗  
一闕春場誤黑頭

紅杏花殘鵲鳩老軟塵車馬幾淹留

上陽天界蝶蘼蘼紅鳥青袍賦樂胥兩道燈收入散市  
九門漏緊夜傳車催花特奏將軍令檄酒頻勞學士書  
客有清懷抱明月但搜苦淚餌蟾蜍

官場黜陟一枰棋鬱壘懸符笑詒癡宰相能通循吏傳  
翰林解註黨人碑蛾眉下蔡防深蠱鷹隊前旌戒突馳  
一代功勛尊衛霍磨刀愁煞羽林兒

門緣無騎雀都閒禪解同參石未頑宿酒清如茗雪水  
孤雲秀比敬亭山鹿皮眷屬畱仙種雞口生涯謝卒班  
今信讀書堪拒累短枵一尺峻天關

索笛搜琴彼夢勞紅燈密幕護櫻桃橫波小影沈纖絮  
明月相思誤大刀上壽徒飯食粟佛舊聲已斷轡輪袍  
輸渠破笠遮斜日古屋苔牆畫楚騷

內家漢戲秘鞦韆冷餅堆槃近禁烟城巷踏青看社戲  
野壚浮白話耕年夢華有錄都承例春唱堪邀未論錢  
錦鞞六萌馳柳過路童拾得斷珊瑚

急茲亂髮理疏襟終使英雄減熱心門第變遷迷鳥雀  
死生絕續感人琴長河已逝餘山在宿淚無多檢袖尋  
鄉味頗思蘆笋脆遙知江水綠都深

我行風雪一篷車轉曉韶光百五賒小草出山愁不雨

高枝近日易爲花，撥烟漸蒸銅鉢艾。灑水微澄土銚茶，  
寂屋自將清課檢槐聲。送過隔鄰鴉。

鳳城西北有高樓，曉翠蒸蒸九陌浮。上谷低雲橫樹杪，  
津門初日挂簾鉤。游環素馬軍追雁，爛石齊歌士飯牛。  
包納羣歡歸一寓，始知春色滿皇州。

兩袖天香挹御爐，散朝齊出禁門趨。舊遊燕子依  
瓊島，新種梨花滿扇湖。肅肅官儀參漢志，離離王會覽  
周圖。自怜才菲頻遭斥，轉愧江都稱大儒。

劒逢雷煥豈終淪，天寶光芒射斗新。未分暮年悲烈士，  
漫援絕代賦佳人。澆胸上下千秋史，托跡中央四角輪。

對酒當歌吾醉矣起看天碧夜無塵

柳

長條不綰春光短春夢偏驚驛路長一樣樓頭吹玉笛  
今朝淅雨昨斜陽

烏夜啼

霜烏啞啞啼一何聲之悲悵心華燭交玉輝擁衾絮語  
吾知誰千歡萬樂贈離別夢裏重逢髻如雪

疏窻

疏窻近樹綠陰搓補以橫牆雨後莎病久怕看新月好  
春寒恐使落花多巡牀自檢生生夢倚笛聊爲緩緩歌

贏得幽居如寂寺經燈茶板伴維摩

城東廢園四章

托身蝴蝶裏憔悴老王孫馬少花當路人稀棘滿門照  
牆山自媚蔽樹屋先昏三月無觴社遺墟感僅存

玉筍擁仙班春燈十二鬟露樽傳柳出風笛送鶯還文  
采當年耀豪華信未患如何池上月不照舊時顏

畫桃攀折盡燕子向鄰飛故事荒難問浮塵亂莫揮斷  
紅漂暗井積綠凍橫磯隔柳闌干在無人倚暮暉

素蕾三桎草紛如薺麥花斜寮開餅市別徑過煤車顏  
石依眠犬淒風落病鴉誰攜橐駝甕來灌故侯瓜



黑窑廠題壁

風妥闌干午不塵石槃如掌冠重闌高懷欲抗雲霄闊  
佳氣都迴草木春磬遠知鳴何處寺爐荒難問舊沽人  
晏遊遞送飛鴻疾魏晉名才幾輩湮

偕同人飲天橋酒樓醉歌

一年筵晏百回有三十六年及今酒狂歌痛哭年復年  
半生已對三千筵三千酒筵瞥飛電昔筵酒人都不見  
今筵有酒亦有人昔筵人老今人新置我今筵亦未老  
酒影沄沄髮光阜敢言坐此春陽中心似西風亂秋草  
白雲迢迢空闊馳楊花吹來撩我衣銀絃隔幃但鵲咽

韶光如此鶯何稀黃鶯不來燕不舞  
遶沙霏霏暮將雨  
萬千人散五人聚側帽當筵袖高舉  
此筵今是明日非  
明日再飲非今卮奈何不燒兩椽燭  
共拚醉倒眠污泥  
就中陳生玉甫氣獨王揮霍巨觥絕依傍  
餘子齟齬催早

行恐失今歡哭難償我亦不哭亦不歡  
坐從雨尾搜月  
九月九明明在杯底吞入吾腑生爛寒  
珍珠燈毬琉璃  
盤李白遊戲芙蓉冠酒傭闕人倏及我  
神奇鬼怪難測  
端宮漏疎疎二更近月在胸中還難忍  
向空傾吐不自  
由一爲山川揭沈憤星辰拱北森冕旒  
樓閣橫東耀金  
粉諸君沈沈凭几酣陳君起立吾座南  
樹搖素壁明藻

薄人影出沒同魚泮靜露微夏珊瑚簪薄襟凍雪持猶  
堪閉門蛭縮如蝨蠶在世烏得稱奇男陳生再酌吾再  
舞座已無人月停午安得青天騎酒龍可惜黃塵走詩  
虎此樓明日當誰來手中之杯非我杯此中之人才不  
才月不能管風不猜有足不上黃金臺有手不放白玉  
鐏鯤鵬升降有茲席霏空咳唾皆霆雷千秋迢迢耳目  
接萬頃浩浩滄溟開得樂如此何暇哀杖頭罄矣胡歸  
哉

越日再過天橋酒樓獨飲

出門寡適生計窮日日醉臥糟邱中糟邱主人熟醉客

缸面特啟珍珠紅今朝天晴柳逾綠黃鶯亂飛絮簇簇  
闌干一面東風多蕩軟春空似江漲長安賣酒千百家  
高宜看山深藏花公卿屠沽溷一座銀燈玉管真團沙  
我今破例來獨醉未醉何須甕頭睡一身漂泊無位置  
但與牢愁作牽累牢愁不洩洩以酒高陽之徒我之友  
高陽之徒既不來劉伶李白今何有我來獨醉還獨歌  
座無知者歌則那夕陽閃袖低鳥過人影鳥影同婆娑  
俯看六市蔽車馬朱鞭翠軸翻驚波驚波翻騰日復夕  
此座平安瀛嶠席此酒如澠瀉杯碧照見樓臺倒千尺  
多少黃金路旁擲一醉無緣有誰惜我旣云醉眠亦宜

夢乘元鶴天門飛天門百重雲嶮巖後有虎豹前蛟螭  
荒荒渺渺終何依